



მნიშვნელოვანი მოვლენები/სიახლეები 2020

ბიოლოგიურ მეურნეობათა ასოციაცია „ელკანა“



With funding from
Austrian
Development
Cooperation

**Brot
für die Welt**



ევროკავშირი
საქართველოსთვის
The European Union for Georgia



Food and Agriculture
Organization of the
United Nations



GRETA

მწვანე ეკონომიკა: მდგრადი სასოფლო-სამეურნეო სისტემების განვითარება
GREEN ECONOMY: SUSTAINABLE MOUNTAIN TOURISM AND ORGANIC AGRICULTURE



AGROECOLOGY
FUND



პროკრედიტ ბანკი
ProCredit Bank

ბიოლოგიურ მეურნეობათა ასოციაცია „ელკანა“

ბიოლოგიურ მეურნეობათა ასოციაცია „ელკანა“ ქართული არასამთავრობო ორგანიზაციაა, რომელიც 1994 წლის ოქტომბერში დაარსდა. „ელკანას“ მიზანია საქართველოს მოსახლეობის სოციალურ-ეკონომიკური მდგომარეობის გაუმჯობესება და გარემოს დაცვა მდგრადი ბიომეურნეობის განვითარებისა და სოფლად მოსახლეობის თვით-აქტივობის გაზრდის გზით.

„ელკანა“ თავის საქმიანობას საქართველოს თითქმის ყველა რეგიონში ახორციელებს. დაარსების დღიდან ისეთი საერთაშორისო დონორების მხარდაჭერით, როგორებიცაა არიან EU, Brot für die Welt, HEKS, DANIDA, ევროპის ფონდი, BP, WB, UNDP, GEF, SDC, FAO, KfW, WWF და სხვ., ორგანიზაციას განხორციელებული აქვს 100-ზე მეტი პროექტი სოფლის მეურნეობისა და სოფლის განვითარების, სოფლის ტურიზმისა და აგრო-ბიომრავალფეროვნების კონსერვაციის მიმართულებით.

„ელკანას“ საქმიანობის სფეროებია:


- კონსულტაციები და ტრენინგები ბიო-აგროწარმოების დარგში;
- აგრო-ბიომრავალფეროვნების კონსერვაცია და მდგრადი გამოყენება;
- ბიოფერმერების, ფერმერთა ჯგუფების ბიზნესსაქმიანობის ხელშეწყობა;
- პროდუქტის განვითარება და პოპულარიზაცია ადგილობრივ და საერთაშორისო ბაზრებზე;
- თემის მობილიზება და სოფლის განვითარება;
- სოფლად ტურიზმის განვითარება, ტრადიციული სურსათის, ღვინის წარმოებისა და გადამუშავების ხელშეწყობა;
- საზოგადოების ცოდნის ამაღლება ბიო-აგროწარმოებისა და ტრადიციული ჯიშების მნიშვნელობის შესახებ;
- ფერმერთა უფლებების დაცვა.

ასოციაცია მუშაობს 2500-ზე მეტ ფერმერთან მთელ საქართველოში, მათ შორის ფერმერთა ჯგუფებთან, ასოციაციებთან, კოოპერატივებთან, საწარმოებთან და სხვ. „ელკანა“ თანაბრად თანამშრომლობს როგორც მამაკაცებთან, ისე ქალებთან. ქალებმა მნიშვნელოვანი როლი შეასრულეს არა მხოლოდ ორგანიზაციის დაფუძნებაში, არამედ მის შემდგომ განვითარებასა და მიმდინარე საქმიანობაშიც.

ორგანიზაციის სათავე ოფისი თბილისში მდებარეობს. მას აგრეთვე აქვს ოფისი ახალციხეში (სამცხე-ჯავახეთი) და წარმომადგენლობები სამეგრელოში (ზუგდიდი), შიდა ქართლში (გორი), კახეთსა (დედოფლისწყარო) და მცხეთა-მთიანეთში (თიანეთი). გარდა ამისა, „ელკანა“ ორ საცდელ-სადემონსტრაციო მეურნეობას ამუშავებს: ხეხილის, კენკროვანებისა და მარცვლეული კულტურების საცდელ-სადემონსტრაციო მეურნეობა „მარცვლეულის კიბობანს“ სოფელ წნისში (სამცხე-ჯავახეთი) და ადგილობრივი ჯიშების საკონსერვაციო მეცხოველეობის ფერმას სოფელ ზემო ხოდაშენში (კახეთი).



„ელკანას“ ქსელები საქართველოში & ადგილობრივი / საერთაშორისო ქსელები / მოძრაობები, რომლებშიც გაწევრიანებულია „ელკანა“



ელკანას მიერ 2020 წელს განხორციელებული პროექტები

#	პროექტის სახელწოდება	ხანგრძლივობა	დონორ(ებ)ი
1.	ორგანული სოფლის მეურნეობის, სოფლის განვითარების და აგრარული ბიომრავალფეროვნების კონსერვაციის ხელშეწყობა საქართველოში	2018-2020	პური მსოფლიოსთვის, გერმანია
2.	ორგანული სოფლის მეურნეობის და სოფლის ტურიზმის განვითარება მცხეთა-მთიანეთის რეგიონში	ოქტომბერი 2019 – სექტემბერი 2023	ავსტრიის განვითარების სააგენტო
3.	ორგანული თხილის წარმოების ჯაჭვის განვითარება დამატებითი შემოსავლებისა და ღირსეული დასაქმებისათვის დასავლეთ საქართველოში	ივლისი 2018-ივნისი 2023	დანის განვითარების სააგენტო, ჰექს-ეპერი (შვეიცარია)
4.	მომსახურეობის ხელშეკრულება „ორგანული მეურნეობა და სოფლის ტურიზმი პროექტისთვის GRETA“	2020	ავსტრიის განვითარების თანამშრომლობა
5.	მცირე ბიზნესის განვითარების ხელშეწყობა დასავლეთის მიმართულების საექსპორტო ნავთობსადენის მარშრუტის აღმოსავლეთ მონაკვეთზე -3	ივლისი 2018 – დეკემბერი 2021	ბრიტიშ პეტროლიუმი, ამერიკის საერთაშორისო განვითარების სააგენტოს პროგრამა „ზრდა“
6.	მოქალაქეთა ჩართულობის ხელშეწყობა ეკონომიკური განვითარებისთვის ჰეკს-ეპერ საქართველოსთან ერთად	ნოემბერი 2016-თებერვალი 2021	სოფლისა და სოფლის მეურნეობის განვითარების ევროპის სამეზობლო პროგრამა
7.	სასოფლო-სამეურნეო / სასურსათო მწარმოებლებსა და ტურიზმის სექტორს შორის არსებული კავშირების გაუმჯობესების ხელშეწყობა	ივლისი 2020-დეკემბერი 2021	გაეროს სურსათისა და სოფლის მეურნეობის ორგანიზაცია / ევროპის რეკონსტრუქციისა და განვითარების ბანკი
8.	აგრარული ბიომრავალფეროვნების კონსერვაცია ახალციხისა და თიანეთის მუნიციპალიტეტებში	ოქტომბერი 2020-სექტემბერი 2021	ევროპის ფონდი
9.	ტრანს-სასაზღვრო ალიანსი შავი ზღვის აუზის ქვეყნებში კლიმატ-გონივრული და მწვანე სოფლის მეურნეობისთვის	ნოემბერი 2020-ნოემბერი 2022	ევროკავშირის ერთობლივი პროგრამა შავი ზღვის აუზის ქვეყნებისთვის
10.	მწვანე ბაზრობა – ecomart.ge	2020	პროგრედიტ ბანკი
11.	გლეხების აგროეკოლოგია ცენტრალურ აზიასა და აღმოსავლეთ ევროპაში	დეკემბერი 2019 – მაისი 2021	აგროეკოლოგიის ფონდი

მნიშვნელოვანი მოვლენები/სიახლეები

ბიო და Rainforest Alliance-ის ჯგუფური სერტიფიცირების სისტემა

- მეთხილე ფერმერთა ასოციაცია „კავკასნათის“ პროდუქცია ორგანული და UTZ/Rainforest Alliance-ის ჯგუფური სერტიფიკატების მფლობელი გახდა!



„ელკანას“ წვერი ასოციაცია „კავკასნათი“ 2020 წლის იანვარში, რამდენიმეწლიანი თანამშრომლობის გამოცდილების მქონე, ზუგდიდის, წალენჯიხისა და ვანის მუნიციპალიტეტების 8 კოოპერატივისა და ფერმერთა ერთი არაფორმალური ჯგუფის ინიციატივით დაარსდა.

2020 წელი მეთხილე ფერმერთა ასოციაცია „კავკასნათმა“ მნიშვნელოვანი სიახლით დაასრულა - ასოციაციამ 612 ფერმერზე აიღო UTZ/Rainforest Alliance, ხოლო 195 ფერმერზე - ევროკავშირში აღიარებული ორგანული ჯგუფური სერტიფიკატები.

ასოციაცია „კავკასნათის“ საწარმოო შესაძლებლობები ამ ეტაპზე 1300-მდე ტონა ნაჭუჭიან თხილს სწვდება, საიდანაც 2021

წელს 400-მდე ტონა ბიოსერტიფიცირებული იქნება. ასოციაცია დასავლეთ საქართველოს 700-მდე ფერმერთან მუშაობს, რომლებიც თხილის პლანტაციებს ორგანული და UTZ/Rainforest Alliance-ის სტანდარტების შესაბამისად მართავენ. ასოციაცია „კავკასნათი“ წევრების რაოდენობისა და წარმოების პოტენციალის ყოველწლიურად 20%-30%-ით გაზრდას გეგმავს.



- თანამშრომლობა შოთა მესხიას სახელმწიფო სასწავლო უნივერსიტეტთან

რა

ბიოლოგიურ მეურნეობა ასოციაცია „ელკანას“ და ზუგდიდის შოთა მესხიას სახელმწიფო სასწავლო უნივერსიტეტს შორის ურთიერთთანამშრომლობის მემორანდუმი გაფორმდა, რომლის ფარგლებშიც

შემუშავდა და ჩატარდა სერტიფიცირებული კურსი „შიდა კონტროლის სისტემის ბიო/UTZ/Rainforest Alliance-ის სტანდარტები, სერტიფიცირების პროცედურები და ფუნქციონირება - სერტიფიცირებული კურსი ინსპექტორებისათვის“. ტრენინგს სულ 25 მონაწილედაესწრო, რომელთაგან 17-მა კურსი წარმატებით დაასრულა . ტრენინგის შემდეგ 5 მონაწილე „ელკანამ“ შიგა ინსპექტორებად დაასაქმა.

სად

ტრენინგები ჩატარდა ქალაქ ზუგდიდში, შოთა მესხიას სახელმწიფო სასწავლო უნივერსიტეტში


როდის

10-13 და 24-27 თებერვალს, 9-10 მარტს



■ დისტანციური ტრენინგები და კონსულტაციები ასოციაცია „კავკასიანთის“ წევრი მეთხილეებისათვის

2020 წელს, კორონავირუსის პანდემიის ფონზე, ასოციაცია „ელკანამ“ დისტანციური სწავლების სისტემა შეიმუშავა და დანერგა. თხილის ბაღში ჩასატარებელი აგროტექნიკური სამუშაოებისა და მცენარეთა დაცვის საკითხებზე მომზადდა 6 ვიდეოვებინარი. ვიდეოები გავრცელდა ასოციაცია „კავკასიანთის“ ფეისბუქგვერდის მეშვეობით, რომელსაც 118 მომხმარებელი ჰყავს. პანდემიის ფონზე მოკლე ტექსტური შეტყობინებების სისტემა გააქტიურდა, რომელიც ჯერ კიდევ 2019 დაინერგა - სისტემის გამოყენებით 2020 წელს ასოციაცია „კავკასიანთის“ წევრების 86% თხილის ბაღში ჩასატარებელი სამუშაოების შესახებ ინფორმაციასა და ინსტრუქციას რეგულარულად იღებდა. ასევე, შიგა კონტროლის სისტემის ინსპექტორებისათვის 2 სინქრონული ტრენინგი ჩატარდა.



ტრენინგი ბიომეურნეობის საკითხებზე

■ სემინარი - „ბიომევენახეობა“

რა

ბიოლოგიურ მეურნეობათა ასოციაცია „ელკანას“ ახალციხის რეგიონულ ოფისში ჩატარდა სემინარი „ბიომევენახეობა“. ადგილობრივი ფერმერები დიდი ინტერესით გაეცნენ ვაზის მოვლა-მოყვანის ბიომეთოდებს, მავნებლებისა და დაავადებების არსებობის შემთხვევაში ბიოპრეპერატებით ვაზის წამლობის რჩევებსა და მათი გამოყენების რეკომენდებულ განრიგს. ასევე, ფერმერებს მევენახეობა-მელვინეობის დარგში მათთვის საინტერესო სხვადასხვა საკითხზეც გაეწიათ კონსულტაცია.

სად

სემინარი ჩატარდა ქალაქ ახალციხეში.

როდის

12 თებერვალს



■ ტრენინგები ორგანული სოფლის მეურნეობის საკითხებზე

რა

ასოციაცია „ელკანას“ ექსპერტებმა ორგანული სოფლის მეურნეობის საკითხებზე სვანეთის, იმერეთისა და რაჭის ფერმერებისათვის 9 ერთდღიანი ტრენინგი ჩატარეს. ტრენინგებზე საუბარი იყო ორგანული სოფლის მეურნეობის რაობაზე, ძირითად პრინციპებსა და მეთოდებზე, ორგანული სერტიფიცირების შესაძლებლობებზე. ასევე განხილული იყო ორგანული სოფლის მეურნეობის როლი სოფლად



ბიზნესგარემოს გაუმჯობესებისა და შემოსავლების ზრდის საქმეში. ტრენინგებს სულ 202 ფერმერი დაესწრო.



სად

მესტიის, ლენტეხის, ცაგერის, ონის, ამბროლაურის, საჩხერის, ჭიათურისა და ტყიბული მუნიციპალიტეტებში.

როდის

31 სექტემბრიდან 14 ოქტომბრამდე

■ ტრენინგი - ბიომევენახეობის საფუძვლები

რა

ასოციაცია „ელკანას“ ოფისში ჩატარდა 2 ერთდღიანი ტრენინგი - ბიომევენახეობის საფუძვლები. ტრენინგს ესწრებოდნენ ფერმერები, დარგის სპეციალისტები, საზოგადოების დაინტერესებული წევრები. კოვიდეპიდემიის გამო, დამსწრეთა რაოდენობა შეზღუდული იყო - სულ ტრენინგი 15 პირს ჩატარდა. ტრენინგზე განხილული იყო შემდეგი საკითხები: ბიომევენახეობის არსი და პრინციპები; ნიადაგის დამუშავება და მისი ნაყოფიერების მართვა; ვაზის მავნებლებ-დაავადებები და მათი კონტროლი; ბიოპრეპარატები და ბიომეთოდები. დამსწრეებს დაურიგდათ ბროშურა „ქვევრის დამღები“.



სად

თბილისი, „ელკანას“ ოფისი

როდის

5, 19 ოქტომბერი

■ ტრენინგები - სასათბურე მეურნეობაში ჩასატარებელი სამუშაოები

რა

ასოციაცია „ელკანას“ ექსპერტმა მცირე ბიზნესის განვითარების პროექტი 3-ის ბენეფიციარებს სასათბურე მეურნეობაში ჩასატარებელი სამუშაოების საკითხებზე 2 ტრენინგი ჩაუტარა. ტრენინგის დამსწრეები გაეცნენ ინფორმაციას სათბურის პირობებში ნამყენის გამოყვანის, კომპოსტის დამზადების, თესლბრუნვისა და მულჩირების მეთოდების, შერეულ ნათესების წარმოებისა და მოვლის მეთოდების შესახებ. მონაწილეებს დაურიგდათ სამახსოვრო ფურცლები ყველა საჭირო რეკომენდაციით.



სად

გაიმართა 2 სოფელში: ვაზიანსა და ოკამში.

როდის

ოქტომბერში

■ დარგობრივი ტრენინგები თიანეთში

რა

თიანეთის მუნიციპალიტეტში ჩატარდა თეორიული და პრაქტიკული ტრენინგები ორგანული სოფლის მეურნეობის სხვადასხვა საკითხზე: ორგანული სოფლის მეურნეობის არსი, მეზოსტენოზა, მეხილეობა, მეფუტკრეობა, ტყის არამერქნული პროდუქტების წარმოება, სურსათის უვნებლობის წესები და ბიოსერტიფიცირება. დაინტერესებულმა პირებმა „ელკანას“ კონსულტანტებისგან აღნიშნული საკითხების შესახებ ინფორმაცია მიიღეს, ასევე გაეცნენ სრჩევებს და ერთმანეთს გამოცდილება



გაუზიარეს. სულ 28 შეხვედრა ჩატარდა, რომლებსაც 166 ქალი და 149 მამაკაცი დაესწრო

სად

დაბა თიანეთში

როდის

გაზაფხულიდან შემოდგომის ბოლომდე

■ ტრენინგი - კომბინირებული საკვების მნიშვნელობა და მისი დამზადება

რა

ასოციაცია „ელკანას“ მეცხოველეობის ექსპერტმა თამარ ნონიაშვილმა, მცირე ბიზნესის განვითარების პროექტ 3-ის ფარგლებში, პროექტის ბენეფიციარებისათვის გამართა ტრენინგი „კომბინირებული საკვების მნიშვნელობა და მისი დამზადება“. ტრენინგი დისტანციურად, Google Meet-ის მეშვეობით ჩატარდა და მას 4 მეწარმე ესწრებოდა. შეხვედრის ბოლოს მონაწილეებს სამახსოვრო ფურცლები გადაეგზავნათ, სადაც ყველა რეკომენდაცია იყო ჩამოწერილი.


სად

შეხვედრები გაიმართა

დისტანციურად, Google Meet-ის მეშვეობით.

როდის

ოქტომბერში



სასოფლო-სამეურნეო მოდელები - თანამედროვე ტექნოლოგიები სოფლის მეურნეობაში

■ ეკოსახლი აგროპარკ - „ტერა ინკოგნიტას“ ტერიტორიაზე

რა

აგროპარკ „ტერა ინკოგნიტაში“, რომელიც ეკოაქტივისტებმა აჩიკო ბაჩიაშვილმა და ინგა ბაშიროვამ მოაწყვეს, ეკომეგობრული სასოფლო-სამეურნეო ტექნოლოგიების დანერგვა და დემონსტრირება მიმდინარეობს. ასოციაცია „ელკანას“ ხელშეწყობით თანამონაწილეობრივი პროექტი განხორცილდა: აგროპარკის ტერიტორიაზე მხოლოდ ეკოლოგიური ტექნოლოგიებისა და მასალების გამოყენებით აშენდა ეკოსახლი, სადაც შესაძლებელია როგორც ტურისტების მიღება, ისე სხვადასხვა გარემოსდაცვითი ღონისძიების მასპინძლობაც.





სად

ფშავში, სოფელ კანატიში

როდის

დასრულდა შემოდგომის ბოლოს

■ ქარსაფარი ზოლის მოწყობა კენკრის ბაღში

რა

სოფელ ახალ მამუდლოში 2017 წელს შპს „ქართულმა კენკრამ“ 7 ჰა ფართობზე თანამედროვე კენკრის ბაღი გააშენა. ამ რეგიონში სარწყავი წყლის დეფიციტის პირობებში ხარისხიანი მაყვლის მოყვანა საკმაოდ რთულია და, ამასთანავე, ნაყოფს ცხელი ქარი სერიოზულად აზიანებს - მოსავლის დანაკარგი 30%-ს აღწევს. ასოციაცია „ელკანას“ ხელშეწყობით კენკრის ბაღის პირას ქარსაფარი ზოლი გაშენდა და წვეთოვანი სარწყავი სისტემა მოეწყო. 170 მ-იან ქარსაფარ ზოლში ნაკვეთის ერთ მხარეს კიპარისის ნერგები 2 რიგად, ჭადრაკულად დაირგო. ქარსაფარ ზოლში მოეწყო წვეთოვანი საწყრავი სისტემა, რომელიც მაყვლის ბაღში არსებულ მაგისტრალურ სარწყავ სისტემას მიუერთდა.



სად

მარნეულის მუნიციპალიტეტის სოფელი ახალი მამუდლო

როდის

დასრულდა სექტემბერში

■ რძის მიმღების მოწყობა საკონსერვაციო ფერმაში



რა

„ელკანას“ შინაური ცხოველების საკონსერვაციო ფერმაში მოეწყო და, პირველადი წარმოებისათვის აუცილებელი სურსათის უვნებლობის მოთხოვნები შესაბამისად, რძის მიმღები ოთახი აღიჭურვა, რაც უვნებელი რძის წარმოებას უზრუნველყოფს. რძის მიმღები „პირველადი წარმოების სანიმუშო პრაქტიკას“ აკმაყოფილებს და დაინტერესებულ ფერმერებს შეუძლიათ, თანამედროვე ტექნოლოგიებით აღჭურვილ რძის მიმღებს ადგილზე გაეცნონ.

სად

ახმეტის მუნიციპალიტეტი, სოფელი ზემო ხოდაშენი

როდის

დასრულდა ივლისში

■ ფერმერის დღე - ადგილობრივი კულტურების მოვლა-მოყვანა

რა

სამცხე-ჯავახეთის რეგიონში, სოფელ წნისში, ბიოლოგიურ მეურნეობათა ასოციაცია „ელკანას“ საცდელ-სადემონსტრაციო ნაკვეთზე სახელწოდებით „მარცვლეულის კიდობანი“, ჩატარდა ფერმერის დღე. ღონისძიების მიზანი იყო ფერმერებისათვის სადემონსტრაციო ნაკვეთის გაცნობა, აქ არსებული ხეხილის, მარცვლოვანი და პარკოსანი კულტურების ადგილობრივი ჯიშების პოპულარიზაცია ფერმერულ მეურნეობებში მათი დანერგვისა და შენარჩუნების ხელშეწყობისათვის. ფერმერის დღეს რეგიონის ფერმერები ესწრებოდნენ, რომლებმაც „ელკანას“ ნაკვეთი დაათვალიერეს, სადაც ითესება და მრავლდება მარცვლოვანი და პარკოსანი კულტურების, ასევე ხეხილის ადგილობრივი ჯიშები. მონაწილეებს გაეწიათ კონსულტაცია ამ კულტურათა წარმომავლობის, ბიოლოგიური თავისებურებების, გამოყენებისა და მოვლა-



მოყვანის ბიომეთოდების, ასევე, სათესლე და სარგავი მასალის ხელმისაწვდომობის შესახებ. ფერმერებმა დააგეგმონ სადემონსტრაციო ნაკვეთზე მოწეული ახალციხის (მესხური) წითელი დოლის ხორბლისაგან გამომცხვარი პური და პარკოსანი კულტურებისაგან - ცულისპირას და მამასგან - მომზადებული კერძები. ღონისძიებამ წარმატებით ჩაიარა და მონაწილე ფერმერთა დიდი ინტერესი გამოიწვია.

სად

ფერმერის დღე ჩატარდა ახალციხის მუნიციპალიტეტის სოფელ წნისში.

როდის

23 ივნისს



მცირე ფერმერთა ხელშეწყობა

■ ტრენინგი - ბიზნესგეგმის მომზადება

რა

მცირე ბიზნესის განვითარების პროექტ 3ის ფარგლებში 8 ორდღიანი და 6 ერთდღიანი ბიზნესგეგმის წერის დისტანციური ტრენინგი ჩატარდა. 2-დღიან ტრენინგს სულ 122 მონაწილე ესწრებოდა, ხოლო დისტანციურ ტრენინგებს - 87 მონაწილე. დისტანციურ ტრენინგებზე გადასვლა პანდემიამ გამოიწვია. ტრენინგის შემდეგ კონკურსის მონაწილეებმა ბიზნესგეგმები წარმოადგინეს, რომელთა მიხედვით 70 კონკურსანტი შეირჩა და დაფინანსდა. პროექტის ფარგლებში 2020 წელს დაფინანსდა: აგრომომსახურების 31 ბიზნესი, 12 სახელოსნო, 7 წისქვილი, 7 სამკერვალო, 4 სათბური, ავტომომსახურების ცენტრი, ინკუბატორი, საცხოზი, სილამაზის სალონი, ვეტაფთიაქი, გასართობი ცენტრი, ჩირის წარმოება, მაისურებზე ბეჭდვა და კოსმეტოლოგის კაბინეტი.



სად

გარდაბნის, მცხეთა-მთიანეთის, კასპის, გორის, ქარელის, ხაშურის და საჩხერის მუნიციპალიტეტებში არსებულ 56 სამიზნე სოფელში და 4 იძულებით გადაადგილებულ პირთა დასახლებაში.

როდის

მიმდინარეობდა მთელი წლის განმავლობაში



■ ტრენინგები - საგადასახადო საკითხებზე

რა

მცირე ბიზნესის განვითარების პროექტ 3-ის ფარგლებში, პროექტი II-ის ფარგლებში დაფინანსებული მეწარმეებისათვის საგადასახადო ორგანოებთან ურთიერთობის საკითხებზე დისტანციური ტრენინგები ჩატარდა. სულ გაიმართა სამი ერთდღიანი ტრენინგი, რომლებზეც 166 მეწარმე იყო მოწვეული. ტრენინგის დროს მონაწილეებმა სავალდებულო წლიური დეკლარაციები შეავსეს და გაგზავნეს. ტრენინგის შემდგომ პროექტის რამდენიმე ბენეფიციარი მეზობლებსა და ნაცნობებს დაეხმარა, რათა მათ დეკლარაცია დროულად შეეცნოთ და გაეგზავნათ.

სად

დისტანციურად, Zoom-ის პლატფორმის მეშვეობით

როდის

დეკემბერში



■ ტრენინგი - შრომის უსაფრთხოება და რისკის შეფასება



რა

მცირე ბიზნესის განვითარების პროექტ 3-ის ფარგლებში პროექტის თანამშრომლებისა და ბიზნესოპერატორებისათვის შრომის უსაფრთხოებისა და რისკისგან გამოწვეული ზიანის შემცირების საკითხებზე 4 ტრენინგი და 18 ინდივიდუალური კონსულტაცია ჩატარდა. ჯგუფურ ტრენინგებს პროექტის ფარგლებში დაფინანსებული აგრომომსახურების დარგის წარმომადგენლები ესწრებოდნენ, ხოლო

ინდივიდუალური ტრენინგ-კონსულტაცია ადგილზე, სხვადასხვა ტიპის სახელოსნოებში გაიმართა. შრომის უსაფრთხოებისა და რისკის შემცირების ტრენინგ-კონსულტაცია პროექტის სულ 46 ბენეფიციარს ჩაუტარდა. ტრენინგ-კონსულტაციების შემდგომ პროექტის ყველა მონაწილეს სპეციალური სამახსოვროები გადაეცა. სამახსოვრო მოიცავდა შრომის უსაფრთხოების, რისკის შემცირების მოთხოვნებს, ასევე, COVID19-ის რეგულაციებსა და რეკომენდაციებს.

სად

გარდაბნის, მცხეთის, კასპის, გორის, ქარელის, ხაშურის და საჩხერის მუნიციპალიტეტებში.


როდის

სექტემბერში

■ ტრენინგი - სურსათის უვნებლობის რეგულაციები და მასთან დაკავშირებული მოთხოვნები

რა

მცირე ბიზნესის განვითარების პროექტ 3-ის ფარგლებში ჩატარდა დისტანციური ტრენინგი - სურსათის უვნებლობის რეგულაციები და მასთან დაკავშირებული მოთხოვნები. შეხვედრებს ექსპერტი გიორგი მიქაძე უძღვებოდა. ტრენინგზე განხილული იყო შემდეგი საკითხები: სურსათის უვნებლობის შესახებ არსებული საქართველოს კანონმდებლობა; სანიმუშო საწარმოო პრაქტიკა (GMP); სანიმუშო ჰიგიენის პრაქტიკა (GHP); საფრთხის ანალიზისა და კრიტიკული საკონტროლო წერტილების სისტემა (HACCP); დოკუმენტაციისა და ჩანაწერების ფორმები; დარღვევის შემთხვევაში შესაბამისი ადმინისტრაციული ზომები. ტრენინგს 5 მეწარმე დაესწრო, რომელთა საქმიანობაშიც სურსათის უვნებლობის საკითხები არის გასათვალისწინებელი.



სად

დისტანციურად, Google Meet-ის პლატფორმის მეშვეობით.

როდის

ნოემბერში

■ აგრარული ბიომრავალფეროვნების დაცვა

■ სემინარი აგრარული ბიომრავალფეროვნების საკითხებზე

რა

ბიოლოგიურ მეურნეობათა ასოციაცია „ელკანას“ ახალციხის რეგიონულ ოფისში ჩატარდა სემინარი აგრარული ბიომრავალფეროვნების აღდგენის, შენარჩუნებისა და მდგრადი გამოყენების საკითხებზე. მას ადგილობრივი ფერმერები ესწრებოდნენ. სემინარზე დიდი ყურადღება დაეთმო ორგანული წარმოებისა და ადგილობრივი კულტურების გამოყენების მნიშვნელობის განხილვას.



ფერმერები დიდი ინტერესით გაეცნენ „ელკანას“ მეურნეობა „მარცვლეულის კიდობანში“ აღდგენილი ადგილობრივი ხორბლების - ახალციხის (მესხური) წითელი დოლისა და დიკას, პარკოსანი კულტურების - ცულისპირას, მუხუდოს, ცერცვის, ძამას, აგრეთვე, ღომისა და სელის მოვლა-მოყვანის თავისებურებებს, გამოყენებისა და ბაზარზე რეალიზაციის შესაძლებლობებს. მათთვის ამ კულტურათა სათესლე მასალის ხელმისაწვდომობის საკითხიც ასევე საინტერესო იყო.

სად

სემინარი ჩატარდა ქალაქ ახალციხეში.

როდის

12 მარტს

■ ვაშლის ადგილობრივი ჯიშების მცნობა

რა

25-26 აგვისტოს წნისში, „ელკანას“ სადემონსტრაციო ნაკვეთ „მარცვლეულის კიდობანზე“ ჩატარდა ვაშლის ადგილობრივი ჯიშების მცნობა, რომელიც ოცდაათწლიანი გამოცდილების მქონე პროფესიონალმა მცნობელმა ქალებმა ზოია ოთანაძემ და ოფელია ანესიანმა ჩაატარეს: ნახევრად ნაგალა M-106 საძირეზე დაიყენა 30 დასახელების ვაშლის ადგილობრივი ჯიშის ნამყენის საერთო რაოდენობა - 896 მირი.



სად

ახალციხის მუნიციპალიტეტის სოფელ წნისში.

როდის

25-26 აგვისტო



■ მარცვლეულის კოლექციის თესვა „ელკანას“ საცდელ-სადემონსტრაციო ნაკვეთზე

რა

ბიოლოგიურ მეურნეობათა ასოციაცია „ელკანას“ საცდელ-სადემონსტრაციო ნაკვეთ „მარცვლეულის კიდობანზე“ საკოლექციოდ დაითესა გადაშენების საფრთხის ქვეშ მყოფი ხორბლის ენდემური სახეობები და ადგილობრივი ჯიშები: დიკა, ჩელტა ზანდური, გვაწა ზანდური, მახა, კოლხური ასლი. გარდა ამისა, საქართველოში ასე წლის შემდეგ პირველად „ელკანას“



ნაკვეთის საწარმოო ფართობზე (0,70ჰა-ზე) დაითესა ქართული ხორბლის სახეობები მახა (ყველა რბილი ხორბლის წინაპარი) და კოლხური ასლი. მახასა და კოლხური ასლის თესლი დანიელ მეცნიერ ანდერს ბორგენისგან მივიღეთ, რომელთანაც „ელკანა“ ქსელის “Let’s Liberate Biodiversity” („გავათავისუფლოთ ბიომრავალფეროვნება“) ფარგლებში თანამშრომლობს. მას ქართული ხორბლის სახეობები სასელექციო მიზნებისთვის - დანიის კლიმატზე მორგებული ხორბლის ჯიშების შესაქმნელად მოჰყავს,



სად

ახალციხის მუნიციპალიტეტის სოფელ წნისში.

როდის

15-16 ოქტომბერი

■ ტრენინგი - აგრარული ბიომრავალფეროვნების შენარჩუნება ახალციხესა და თიანეთში

რა

ასოციაცია „ელკანას“ ექსპერტებმა სამცხე-ჯავახეთსა და მცხეთა-მთიანეთში ჩაატარეს 11 ერთდღიანი ტრენინგი თემაზე - „ბიოწარმოების მეთოდები, აგრარული ბიომრავალფეროვნების მნიშვნელობა და ბუნებრივი რესურსების მდგრადი გამოყენება“. ტრენინგზე საუბარი იყოს ამ რეგიონების აგრარული ბიომრავალფეროვნების დაცვის მნიშვნელობასა და პერსპექტივებზე; ასევე, ადგილობრივი, ძველი ჯიშების შენარჩუნებისა და განვითარების მეშვეობით მოსახლეობის ეკონომიკური მდგომარეობის გაუმჯობესების გზებზე. ტრენინგებს სულ 110 ფერმერი დაესწრო.





სად

სამცხე-ჯავახეთში - ქ. ახალციხეში; მცხეთა-მთიანეთში - დაბა თიანეთში.

როდის

ნოემბერი-დეკემბერი

ბიოპროდუქციის და აგრარული ბიომრავალფეროვნების ბაზრის ჩამოყალიბების ხელშეწყობა

■ ECOMART – online shop

2020 წლის მაისში ბიოლოგიურ მეურნეობათა ასოციაცია „ელკანას“ ინიციატივით და „პროგრედიტ ბანკის“ ხელშეწყობით დაფუძნდა ონლაინ-მაღაზია „ეკომარტი“, რომლის მიზანია ორგანული (ბიო) და ნატურალური პროდუქციის ერთ ონლაინ სავაჭრო სივრცეში თავმოყრა და მომხმარებლისთვის დადასტურებულად ხარისხიანი პროდუქციის შეთავაზება; ასევე, „ელკანას“ შიგა კონტროლის სისტემისა და ბიოსერტიფიკატის მქონე ფერმერების პროდუქციის რეალიზაციის ხელშეწყობა, ქვეყანაში გარემოსადმი მეგობრული პროდუქციის წარმოების წახალისება და ამ მიმართულების პოპულარიზაცია, საზოგადოებაში ბიომეურნეობის შესახებ ცოდნის ამაღლება. „ონლაინ“ სავაჭრო პორტალ www.ecomart.ge-ს მიწოდების სერვისი გააჩნია, რაც მომხმარებლისთვის COVID-19-ით გამოწვეული პანდემიის დროს მოსახერხებელია.



■ პურის სახლი „თავთუხი“

იმერეთში, ქ. ქუთაისში რამდენიმე წელია ფუნქციონირებს პურის საცხობი, სადაც ხორბლის ადგილობრივი ჯიშებისგან მიღებული ფქვილით, ნატურალურ, ნედლ საფუარზე მოხედილი ცომისგან



ხარისხიანი, გემრიელი პური ცხვება. მასზე დიდი მოთხოვნა იყო, მაგრამ საცხობის მოძველებული აღჭურვილობა წარმადობის გაზრდის საშუალებას არ იძლეოდა. „ელკანას“ ხელშეწყობით საცხობმა თანამედროვე ცომსაზელი დაამონტაჟა; ასევე, „ელკანას“ ექსპერტებმა საცხობის მეკატრონეს საქმიანობის ფინანსური ეფექტიანობის გაზრდისა და ბიზნესგეგმის მომზადების საკითხებში კონსულტაციები გაუწიეს.



■ პურის ცხობა ენდემური ხორბლისგან

რა

„სლოუ ფუდის“ საერთაშორისო დღეს „ელკანას“ სათავე ოფისში პურის ცხობის მასტერკლასი და სადეგუსტაციო ღონისძიება მოეწყო, რომელსაც სხადასხვა დაინტერესებული მხარე ესწრებოდა: მცხოვრელები, ფერმერები, მეცნიერები და მხარდამჭერები. ღონისძიება პირდაპირი ეთერით ფეისბუქზე გადაიცემოდა. ამ ფორმატმა ფართო საზოგადოებას საშუალება მისცა, ღონისძიებაში მონაწილეობა მიეღო და მისთვის საინტერესო კითხვები დაესმვა, რომლებსაც პირდაპირ ეთერშივე დაუყოვნებლივ პასუხობდნენ. ღონისძიება და მისი ჩანაწერი, მოკლე ვიდეო რგოლის სახით, დაფიქსირდა „სლოუ ფუდის“ საერთაშორისო გამოფენაზე - Terra Madre, რომელიც, COVID-19-ის პანდემიის გამო, ონლაინ რეჟიმში არის ორგანიზებული.



https://terramadresalonedelgusto.com/en/scheda_espositore/biological-farming-association-elkana/



სად

„ელკანას“ სათავო ოფისში, პირდაპირი ეთერით ვეისბუქზე.

როდის

10 დეკემბერს



„ელკანას“ წევრების წარმატება

■ მარანი - „დო რე მი“

ასოციაცია „ელკანას“ წევრის, მარან - „დო რე მის“ ქვევრში დაყენებული ღვინო რეაქციითელი-მწვანე ამსტერდამში ჩატარებული ბუნებრივი ღვინოსა და კერძების ფესტივალზე ქარვისფერი ღვინოების კონკურსის გამარჯვებული გახდა.





■ ასოციაცია „ჯარა“

ასოციაცია „ელკანას“ წევრის, ჯარას მეფუტკრეთა ასოციაციის თავლის მწარმოებელმა 18-მა მეფუტკრემ ბიოსერტიფიკატი მოიპოვა, რაც იმას ნიშნავს, რომ მათ თავიანთი პროდუქციის ევროპულ ბაზარზე გატანა შეუძლიათ.

საზოგადოებასთან ურთიერთობა

■ გაცნობითი ტური „ელკანას“ სადემონსტრაციო ნაკვეთზე

7 ივლისს ასოციაცია „ელკანას“ ზემო ხოდაშენის სადემონსტრაციო ნაკვეთს საქართველოს გიდეების ასოციაცია „ღვინისა და კულინარიული გიდის“ სასწავლო კურსის მსმენელები ესტუმრნენ. საკონსერვაციო მეურნეობაში მათი ვიზიტის მიზანი იყო კახური ღორის, კავკასიური წაბლასა და ქართული მთის ძროხების მონახულება აღნიშნული მეურნეობის ტურისტულ პროგრამებში ჩართვის მიზნით. მათ პერმაკულტურის დიზაინიც დაათვალიერეს. პროგრამის მენეჯერმა თამაზ დუნდუამ მათ საველე ტრენინგი ჩაუტარა, რომელზეც ილაპარაკა ქართული ხორბლის ადგილობრივი სახეობებისა და ენდემური ჯიშების, ასევე, პარკოსანი კულტურების შესახებ. შეხვედრისას მან ხაზი გაუსვა გასტრონომიული ტურიზმის განვითარების მნიშვნელობას. მეცხოველეობის ექსპერტმა თამარ ნონიაშვილმა



კი მსმენელებს ადგილობრივი საქონლის ჯიშების შესახებ უამბო. შეხვედრის ბოლოს სტუმრებმა დააგემოვნეს ძველი ქართული რეცეპტებით მომზადებული ცულისპირასა და მუხუდოს შეჭამანდი, ასევე, წითელი და თეთრი ბიოდვინოები.

■ ურთიერთთანამშრომლობის მემორანდუმი

15 აგვისტოს ბიოლოგიურ მეურნეობათა ასოციაცია „ელკანას“ და „საერთაშორისო კულტურის სივრცეს“ შორის ურთიერთთანამშრომლობის მემორანდუმი გაფორმდა, რომლის ფარგლებშიც მხარეები შეთანხმდნენ, რომ მცირე მეურნეებსა და ადგილობრივ მეწარმოებს ათასწლეულების მანძილზე შექმნილი სასოფლო-სამეურნეო ტრადიციების დაცვასა და შენარჩუნებაში შეუწყობენ ხელს.




■ ღვინის სოფელი

„ღვინის კლუბის“ საგანმანათლებლო პროექტ „ღვინის სოფლის“ ფარგლებში ასოციაცია „ელკანას“ მევენახეობა-მეღვინეობის ექსპერტმა იმერეთის, რაჭისა და ლეჩხუმის მევენახეებსა და მცირე მარნების მფლობელებს ბიომევენახეობისა და მეღვინეობის საკითხებზე 10 საკონსულტაციო ტრენინგიჩატარა. დამსწრეთაგან 25-მა მევენახემ ვენახის ბიომეთოდებით მართვაზე გადასვლა გადაწყვიტა.

სოფლის ტურიზმი

■ სოფლის ტურიზმის დაჯავშნის სისტემა

ამოქმედდა ასოციაცია „ელკანას“ დაჯავშნის სისტემა www.ruralbooking.ge. მან ფუნქციონირება სხვადასხვა რეგიონიდან 20 საოჯახო სასტუმრო სახლით დაიწყო. მიუხედავად იმისა, რომ „ელკანას“ ქსელში სოფლის დაახლოებით 200 სასტუმრო სახლია გაერთიანებული, COVID-19-ის პანდემიის გამო, მუშაობის გასაგრძელებლად პანდემიასთან დაკავშირებული მოთხოვნების შესრულება მხოლოდ ამ 20-მა შეძლო, ვებგვერდი სატესტო რეჟიმში მუშაობს და 2021 წელს ახალი ობიექტების განთავსება იგეგმება.



■ ტრენინგების კურსი თიანეთში

რა

ასოციაცია „ელკანას“ ექსპერტებმა თიანეთის მუნიციპალიტეტში მცხოვრები ტურიზმის ბიზნესში ჩართული პირებისათვის ჩაატარეს ორი 4-დღიანი ტრენინგკურსი თემაზე „სოფლის ტურიზმი“. ტრენინგს 25 პირი დაესწრო, მათ შორის, 11 ქალი. ტრენინგი მოიცავდა თეორიულ პრეზენტაციებსა და პრაქტიკულ სამუშაოებს. დამსწრეებს საშუალება მიეცათ, პრაქტიკული რჩევები ადგილზე მიეღოთ და ერთმანეთისათვის გამოცდილება გაეზიარებინათ.



სად

თიანეთის მუნიციპალიტეტი, დაბა თიანეთი

როდის

გაზაფხულიდან შემოდგომის ბოლომდე

■ ტრენინგი დედოფლისწყაროს ტურიზმის ბიზნესში ჩართული პირებისათვის

რა

ასოციაცია „ელკანას“ ექსპერტებმა კახეთში, სასტუმრო „ლოპოტა სპა რეზორტის“ სატრენინგო დარბაზში დედოფლისწყაროს მუნიციპალიტეტში მცხოვრები ტურიზმის ბიზნესში ჩართული პირებისათვის ჩაატარეს 3-დღიანი ტრენინგი თემაზე „სოფლის ტურიზმი“. ტრენინგს 12 პირი დაესწრო, მათ შორის, 5 ქალი.

სად

კახეთი





როდის

20-22 ივლისი



■ ტრენინგი იმერეთის, სვანეთისა და რაჭა-ლეჩხუმის მოსახლეობისათვის

იმერეთის, სვანეთისა და რაჭა-ლეჩხუმის ტურიზმით დაინტერესებული პირებისათვის ასოციაცია „ელკანას“ ექსპერტებმა ჩატარეს 3-დღიანი ტრენინგურები თემაზე „მდგრადი ტურიზმი“. კოვიდის პანდემიის გათვალისწინებით, ტრენინგების ნაწილი ვებინარების ფორმატში ჩატარდა, რისთვისაც 11 სხვადასხვა თემატური ვიდეო მომზადდა და სოციალური ქსელის მეშვეობით გავრცელდა.



■ ტურიზმის განვითარება დედოფლისწყაროს მუნიციპალიტეტში

ევროკავშირის ENPARD II-ის პროექტს „მოქალაქეთა ჩართულობა ეკონომიკური განვითარებისთვის (PROCEED)“ ახორციელებს HEKS/EPER საქართველოს ბიოლოგიურ მეურნეობათა ასოციაცია „ელკანასთან“ ერთად. პროექტის მიზანია კახეთის რეგიონის დედოფლისწყაროს მუნიციპალიტეტში სიღარიბის შემცირება. პროექტის ფარგლებში დედოფლისწყაროს 2020 წლის თებერვალში ესტონეთის სოფლის ტურიზმის ასოციაციის თავმჯდომარე, ქალბატონი რაილი მენგელი ეწვია. ესტონელი სტუმარი დედოფლისწყაროს მუნიციპალიტეტის ტურისტულ პოტენციალს გაეცნო და



ჩაატარა სემინარი თემაზე „ტურისტული ასოციაციები სოფლად: შესაძლებლობების განვითარება და ქსელური მუშაობა“. ასევე, ესტონეთის სოფლის ტურიზმის ასოციაციამ და მისმა ექსპერტებმა შეიმუშავეს დედოფლისწყაროს ტურიზმის განვითარების ასოციაციის სტრატეგიული გეგმა 2020 წლის სექტემბრიდან 2021 წლის სექტემბრამდე პერიოდისთვის. სტრატეგიული გეგმა ორ ენაზე - ქართულსა და ინგლისურზე არის ხელმისაწვდომი; ორივე ვერსია დაიბეჭდა და ასოციაციის წევრებსა და სხვა დაინტერესებულ მხარეებს მიეწოდათ.

პროექტის ფარგლებში ტურიზმის ბიზნესში ჩართულმა 12 პირმა გაიარა ტრენინგი „სოფლის ტურიზმის საფუძვლები“, ხოლო 15-მა - ტრენინგი თემაზე „კულინარია და მცირე რესტორნების მენეჯმენტი“.

2020 წლის თებერვალსა და ოქტომბერში დედოფლისწყაროს ტურიზმის განვითარების ასოციაციის წევრთა საერთო კრება გაიმართა. შეხვედრისთვის მომზადდა დედოფლისწყაროს მუნიციპალიტეტის ტურიზმის სტატისტიკის მიმოხილვა და მომავლის გეგმები დაისახა.



ორგანიზაციული განვითარება

■ სტრატეგიული დაგეგმვის სემინარები

რა

„ელკანამ“ თებერვალსა და სექტემბერში სტრატეგიული დაგეგმვის სემინარები ჩაატარა. მათი მიზანი იყო 2021-2024 წლებისთვის „ელკანას“ სტრატეგიისა და სამოქმედო გეგმის შემუშავება. დაგეგმვის პირველ სემინარში „ელკანას“ მართვის ჯგუფი და „ელკანას“ წამყვანი ექსპერტები მონაწილეობდნენ, ხოლო სექტემბერში, საბოლოო კორექტივების შეტანის შემდეგ, დასრულებული



სტრატეგია და სამოქმედო გეგმა დასამტკიცებლად „ელკანას“ გამგეობას წარედგინა. სტრატეგიული დაგეგმვის სემინარის შემდეგ გაიმართა გამგეობის სხდომა და სავლელე გასვლები „ელკანას“ საკონსერვაციო მეურნეობაში სოფელ ზემო ხოდაშენში და „ელკანას“ გამგეობის წევრ გიორგი ალადაშვილის ბიოდინამიკურ მეურნეობაში სოფელ რუისპირში.



სად

კახეთი, ყვარლის ედემი და ლოპოტა





როდის

25-28 თებერვალი და 1-5 სექტემბერი




პუბლიკაციები

ფერმერის კალენდარი ჩანაწერებისათვის



კალენდარი 2021



სოფლის ტურიზმის სტანდარტი

წლიური შემოსავალი და ხარჯები

ვალუტა: ევრო

	Year 2020
საწყისი ნაშთი	672,847
შემოსავალი	
Brot fur die welt	198,600
EPER	150,039
FAO	26,027
BP	41,378
AGREEN	40,637
Europe Foundation	6,093
ECVC	10,229
GRETA	52,231
საწევრო შენატანები	1,146
შემოწირულობა	3,884
სხვა შემოსავალი	85,607
მთლიანი შემოსავალი	1,416,346
ხარჯები	
პროექტის ხარჯები	499,877
ინვესტიციები, თანადაფინანსება	18,735
ადმინისტრაციული ხარჯები	149,051
სხვა ხარჯები	20,879
მთლიანი ხარჯი	688,542
საბოლოო ნაშთი	600,176
მარიამ ჯორჯაძე დირექტორი	

